

## ხელშეკრულება №

თბილისი

12.04.2024 წ.

ერთის მხრივ, შპს „ბიზნესისა და ტექნოლოგიების უნივერსიტეტი“ წარმოდგენილი მისი დირექტორის **ნინო ენუქიძის** მიერ (შემდგომში მოხსენიებული, როგორც „უნივერსიტეტი“) და, მეორეს მხრივ, ---**ნინო კვინიკაძე**--- პ/ნ: ---50001003366--- (შემდგომში მოხსენიებული, როგორც „ბენეფიციარი“), ვდებთ წინამდებარე ხელშეკრულებას და ვთანხმდებით შემდეგზე:

### მუხლი 1. ხელშეკრულების საგანი

- 1.1. წინამდებარე ხელშეკრულების შესაბამისად „კოდინგის სკოლა 1500 ქალისთვის“ პროექტის მონაწილე ბენეფიციარს ეძლევა შესაძლებლობა სრული დაფინანსებით დაესწროს გადამზადების პროგრამას ბიზნესისა და ტექნოლოგიების უნივერსიტეტში (დისტანციური ან/და ფიზიკური ფორმატით).
- 1.2. წინამდებარე ხელშეკრულების 1.1. პუნქტში აღნიშნულ გადამზადების პროგრამაში შედის: ტექნოლოგიური ინგლისურის კურსი, ტექნოლოგიური მიმართულების კურსი და დასაქმების ხელშეწყობის პროგრამა.

### მუხლი 2. ხელშეკრულების მოქმედების ვადა

- 2.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს მხარეთა მიერ ხელშეკრულებით ნაკისრი ვალდებულებების სრულად და ჯეროვნად შესრულებამდე.
- 2.2. გადამზადების პროგრამის ვადები განისაზღვრება **2024 წლის 15 აპრილიდან 2024 წლის 30 სექტემბრამდე** პერიოდით.

### მუხლი 3. ხელშეკრულების ვადამდე შეწყვეტა

- 3.1. ხელშეკრულების ვადამდე ცალმხრივად შეწყვეტა დაუშვებელია.
- 3.2. ხელშეკრულების ვადამდე შეწყვეტა დასაშვებია მხარეთა შეთანხმებით, წინამდებარე ხელშეკრულებით გათვალისწინებულ შემთხვევებში ან საქართველოს კანონმდებლობით გათვალისწინებულ სხვა შემთხვევებში.

### მუხლი 4. განსაკუთრებული პირობები

- 4.1. უნივერსიტეტი უფლებას იტოვებს, მკაცრად განახორციელოს მონაწილე ბენეფიციარის დასწრებისა და დაგვიანების მონიტორინგი.
- 4.2. უნივერსიტეტს უფლება აქვს, ბენეფიციარის მიერ ტექნოლოგიური ინგლისურის კურსის დადგენილ ვადებში დაუსრულებლობის, ან ტექნოლოგიური მიმართულების კურსზე 5-ზე მეტი ლექციის არასაპატიო მიზეზით (საპატიო მიზეზი სავალდებულოა, წინასწარ შეთანხმდეს უნივერსიტეტთან და დასტურდებოდეს შესაბამისი დოკუმენტით) გაცდენის, ან კურსის განმავლობაში მიცემული დავალებების, მათ შორის, ფინალური დავალების მინიმუმ 50%-ის შეუსრულებლობის შემთხვევაში დააკისროს მას ფულადი ჯარიმის გადახდის ვალდებულება მაქსიმუმ 500 (ხუთასი) ლარის ოდენობით, რომელიც ბენეფიციარის მიერ გადაიხდება უნივერსიტეტის საბანკო ანგარიშზე ჯარიმის დაკისრების შესახებ შეტყობინების გაგზავნიდან 60 კალენდარული დღის ვადაში. უნივერსიტეტი ფულადი ჯარიმის დაკისრების ან არდაკისრების შესახებ გადაწყვეტილების მიღებამდე მოისმენს ბენეფიციარის პოზიციას.

### მუხლი 5. ბენეფიციარის უფლებები

- 5.1. ბენეფიციარს უფლება აქვს უსასყიდლოდ დაესწროს პროექტის ფარგლებში შეთავაზებულ კურსებს.

### მუხლი 6. ბენეფიციარის ვალდებულებები

- 6.1. ბენეფიციარი ვალდებულია:
  - ა) გაუფრთხილდეს უნივერსიტეტისა და პროექტის „კოდინგის სკოლა 1500 ქალისთვის“ რეპუტაციას და პრესტიჟს, არ გაავრცელოს გადაუმოწმებელი ინფორმაცია უნივერსიტეტისა და პროექტის შესახებ.
  - ბ) შეასრულოს პროგრამით და მისი კომპონენტებით გათვალისწინებული პირობები, აქტიურად ჩაერთოს პროექტში და ლექციები არ გააცდინოს არასაპატიო მიზეზით;
  - გ) საჭიროებისამებრ ჩაერთოს პროექტის ფარგლებში დაგეგმილ სხვადასხვა სახის აქტივობებში და მარკეტინგულ კამპანიაში, რომელიც შეიძლება გულისხმობდეს პროექტის შესახებ ინფორმაციის გავრცელებას სოციალურ მედიაში და სხვა.
  - დ) სასწავლო პროცესის მსვლელობისას ვიდეო-კამერა იქონიოს ჩართულ მდგომარეობაში.
  - ე) მონაწილეობა მიიღოს პროექტის ფარგლებში ჩატარებულ გამოკითხვებში და შეავსოს მასთან გაზიარებული უკუკავშირის კითხვარები.
  - ვ) სრულად და ჯეროვნად შეასრულოს აღნიშნული ხელშეკრულების პირობები.

### მუხლი 7. უნივერსიტეტის უფლებები

- 7.1. უნივერსიტეტს უფლება აქვს:
  - ა) მოითხოვოს ბენეფიციარისგან ხელშეკრულებით ნაკისრი ვალდებულებების სრულად და ჯეროვნად შესრულება.
  - ბ) განახორციელოს საქართველოს კანონმდებლობით მისთვის მინიჭებული სხვა უფლებამოსილება.
  - გ) დაამუშაოს და შეინახოს მონაწილეების/ბენეფიციარების შესახებ პერსონალური ინფორმაცია საქართველოს კანონმდებლობით დადგენილი წესით და პროექტის დონორის მოთხოვნის შემთხვევაში გაუზიაროს მას აღნიშნული ინფორმაცია.

## მუხლი 8. უნივერსიტეტის ვალდებულებები

8.1. უნივერსიტეტი ვალდებულია:

- ა) უზრუნველყოს აღნიშნული კურსის სრულად და ხარისხიანად ჩატარება.
- ბ) უზრუნველყოს მონაწილე ბენეფიციარის მიმართ სამართლიანი და თანასწორი მოპყრობა.
- გ) ხელშეკრულების ხელმოწერამდე და ხელმოწერის შემდეგ ნებისმიერ დროს მისცეს ბენეფიციარს საშუალება გაეცნოს წინამდებარე ხელშეკრულებასა და მის პირობებს.
- დ) სრულად და ჯეროვნად შეასრულოს წინამდებარე ხელშეკრულების პირობები.

## მუხლი 9. დავის გადაჭრის წესი

9.1. მხარეთა შორის წარმოშობილი დავა უნდა გადაწყდეს ურთიერთმოლაპარაკების გზით. ურთიერთშეთანხმების მიუღწევლობის შემთხვევაში მხარეებს შეუძლიათ დავის გადასაწყვეტად მიმართონ სასამართლოს.

## მუხლი 10. დამატებითი პირობები

- 10.1. ბენეფიციარს უნივერსიტეტის მიერ გაგზავნილი ყველა შეტყობინება მიღებულად ჩათვლება ხელშეკრულებაზე დაფიქსირებულ საფოსტო მისამართზე გაგზავნის შემთხვევაში.
- 10.2. ხელშეკრულებაში ცვლილებებისა და დამატების შეტანა დასაშვებია მხოლოდ მხარეთა წინასწარი წერილობითი შეთანხმებით, რომელიც დაერთვის ხელშეკრულებას და ხდება მისი განუყოფელი ნაწილი. ცალმხრივად შეტანილ ცვლილებებს იურიდიული ძალა არ აქვს.
- 10.3. ხელშეკრულების რომელიმე პუნქტის ბათილად ცნობა არ იწვევს მთლიანად ხელშეკრულების ან მისი სხვა პუნქტების ბათილობას.
- 10.4. ხელშეკრულება შედგენილია თანაბარი იურიდიული ძალის მქონე ორ ეგზემპლარად და ინახება მხარეებთან.

## ხელშეკრულების მხარეთა რეკვიზიტები და ხელმოწერები

შპს „ბიზნესისა და ტექნოლოგიების უნივერსიტეტი“

საიდენტიფიკაციო კოდი: 405155638

მისამართი: საქართველო, თბილისი, ი.ჭავჭავაძის გამზირი №82

საკონტაქტო ტელ.: (+995 32) 2195015

ელ-ფოსტა: info@btu.edu.ge; ვებ-გვერდი: www.btu.edu.ge

დირექტორი: ნინო ენუქიძე

ხელმოწერა \_\_\_\_\_

სახელი, გვარი: ნინო კვინიკაძე

პირადი ნომერი: 50001003366

მისამართი: მცხეთის მუნიციპალიტეტი, სოფელი საგურამო

საკონტაქტო ტელ.: (+995) 598552562

ელ-ფოსტა: Kvinikadze.n.99@gmail.com

ხელმოწერა: ნ. კვინიკაძე